

山東濟南府德州德平縣志卷之四

藝文

文廟碑記

元皇帝旨蓋聞先孔子而聖者非孔子無以明後  
孔子而聖者非孔子無以法所謂祖述堯舜憲章  
文武儀範百王師表萬世者也朕纂承丕緒敬仰  
休風循治古之良規舉追封之盛典加號大成至  
聖文宣王遣使闕里祀以太牢於戲父子之親君  
臣之義永知聖教之遵天地之大日月之明奚罄

德平縣志

卷之四

一

名言之妙尚資神化祚我皇元

草韻辨體序 明神宗爲邑人郭謚製

朕惟繩契旣 篆隸斯興中古變通趨於簡易繇  
是草書出矣灑其體式昉自史游章草之名擅長  
漢代嗣是張芝草書衛瓘藁草羲獻今草小草蔡  
襄散草咸稟規哲匠復鑄新模而旭素者流直入  
神品代有作者炳烺至今斯並文藻之鴻英觚翰  
之絕藝也朕夙懷好古雅慕攻書每于萬幾之暇  
繙閱法書心慕 追以自娛悅間得 先朝中書

官郭諶所輯草韻辨體自漢乞元諸體畧備韻以字繫字以類從旁箋主名用便披覽爰命善書者重加摹寫付之鐫刻朕觀其霞舒雲卷璧合珠聯貫六轡于翰塗匯萬派于筆 俾歲歷縣遠而手蹟如新條流紛糅而體製則一自有草書以來此其總萃矣夫字稱心畫學繇心悟故唐文皇心正氣和之言柳公權心正筆正之諫超厥形象獨玄微玩之有餘味焉若欲如翰卿墨客搦管濡毫臨池染練據往跡而求肖工小技以役神則非朕

志也是爲序

跋

草韻辨體一書朕旣命模刻禁中時加披覽大都字以韻分體隨人辨非結構異同折旋向背各昉其意而爲之如圖史繪形隨物肖象畧存神采尚有典刑誠墨林之遺軌草聖之模楷也嗟乎秦漢事繁書檄章奏多用隸草以從簡易今海內同文外史書名所掌非洪武正韻弗遵要以應變從宜臨文急就草書之用於治官察民均有裨焉總之

不離古法者近是藉令師心匠意榘矱弗遵則無  
爲貴法朕此編豈直爲游藝之資儻亦治察之一  
助乎是用書諸末簡以論朕志如此

魯夫子碑文

漢 禰衡

受天至精純粹睿哲崇高足以長世寬裕足以廣  
包聰明足以測神文藻足以辨物然而敏學以求  
之下問以諏之虛心以受之深思以詠之愍凋道  
之回遙悼九疇之乖悖故發憤忘食應聘四方授  
以大夫之位任以國政之權 若飛鴻鸞於中庭

騁騏驥於閭巷也是以期月之 五教克諧移風  
易俗邦國肅焉無思不服懿文德以紆餘綴三五  
之紀綱流洪耀之休赫曠萬世而揚光夫文明以  
動天則也廣大無疆地德也六經混成洪式也備  
此三者聖極也合吉凶於鬼神遂殂落於夢寐是  
以風烈流行無所不通故立石銘勛以示昭明辭  
曰煌煌上天篤降若人邈矣悠哉千祀一隣明德  
弘鑑成性存存奕奕純敬嵇憲乾坤曜彼靈祇以  
訓黎元終日乾乾配天之行在險而正在困而亨

窮達之運委諸穹蒼日月則陰天地不光聖叡殂  
崩大猷不綱

顏子碑文

禰衡

稟天地之純和鍾嶽瀆之休靈 哲之姿誕自  
育英絕之才顯乎嬰孩在束修之齒入宣尼之室  
德行邁於三千仁風橫於萬國知微知彰聞一覺  
十用行舍藏與聖合契名爲四友之冠實盡疏附  
之益爾乃安陋巷挹清流甘簞瓢以充儀雖屢空  
而不憂於時河不出圖周祚未訖仲尼無舜禹之

德平縣志

卷之四

四

功先生包元凱之烈其辭曰亞聖德蹈高蹤遊洙  
泗肅禮容備懿體心彌冲秀不實振芳風配聖饋  
圖辟雍紀德行昭 窮

鸚鵡賦

禰衡

惟西域之靈鳥兮挺自然之奇姿體金精之妙質  
兮合火德之明輝性辯惠而能言兮才聰明以識  
機故其嬉遊高峻棲跼幽深飛不忘集翔必擇林  
紺趾丹觜綠衣翠衿采采麗容咬咬好音雖同族  
於羽毛固殊智而異心配鸞皇而等美豈比德於

衆禽於是羨芳聲之遠暢偉靈表之可嘉命虞人  
於隴坻詔伯益於流沙跨崑崙而播弋冠雲霓而  
張羅雖網維之備設終一目之所 且其容止閑  
暇守植安停逼之不懼德之不驚寧順從以遠害  
不違忤以喪生故獻全者受賞而傷肌者被刑爾  
迺歸窮委命離羣喪侶 以雕籠翦其翅羽流飄  
萬里崎嶇重阻踰岷越障載罹寒暑女辭家而適  
人臣出身而事主彼賢哲之逢患猶棲遲以羈旅  
矧禽鳥之微物能馴擾以安處眷西路而長懷望

故鄉而延佇忖陋體之腥臊亦何勞於鼎俎嗟祿  
命之衰薄奚遭時之險巖豈言語以階亂將不密  
以致危痛母子之永隔哀伉儷之生離匪餘年之  
足惜愍衆雛之無知背蠻彝之下國侍君子之光  
儀懼名實之不副耻才能之無奇羨西都之沃壤  
識苦樂之異宜懷代越之悠思故每言而稱斯若  
迺少昊司辰蓐收整轡嚴 初降涼風蕭瑟長吟  
遠慕哀鳴感類音聲悽以激揚容貌慘以顛賴聞  
之者悲傷見之者隕淚放臣爲之屢嘆棄妻爲之

歛感平生之游處若壘篋之相須何今日之兩  
絕若胡越之異區順籠檻以俯仰闕戶牖以踟躕  
想崑山之高嶽思鄧林之扶疏顧六翮之殘毀雖  
奮迅其焉如心懷歸而弗果徒怨毒於一隅苟竭  
心於所事敢背惠而忘初託輕鄙之微命委陋賤  
之薄軀期守死以報德甘盡辭以效愚恃隆恩以  
既往庶彌久而不渝

重修文廟記

元秘書少監楊 恒

縣之學廟毀於金季前邑長盛諭嘗營草堂於故

地至元壬辰秋今縣尹閻士安建政謁而歎曰明  
時尚更如此禮樂之所茲何宜缺師生成曰人存  
政舉匪賢尹孰任曰 長於斯敢不勉冬十二月  
主簿楊亨至謂尹曰學廟風化之源今才功未加  
何以爲治君其任此無讓曰待吾賢簿共之曰願  
此付委乃政服會教官馮繼善與邑之賢者史益  
讓等定其規制爲役事起本 請命於廉司時僉  
司事識篤兒曰是邑也吾宗郡王之所封先君統  
軍之所居卽吾鄉也乃出俸百緡以倡之卒事所

賴爲多又白於州監州答實帖木兒率同僚以月給縣之尹再各輸祿半載四民同稱所有以助焉乃陶土鳩材啟專於至元甲午之春再講於是年之秋爲大成殿楹四大成門如之不徒壯麗又益丹刻焉象設如生服章有法聖容南而端肅可畏顏孟十哲以次配享禮儀服器稱時完卒又曰愚尚念二帝三王立教之原孔子所以祖述章以詔後世者請爲衆陳之惟民生多欲無教乃亂聖人之爲教非遏其欲實節其欲也欲節則天

理明天理明則人道安人道安則物情遜物情遜則百姓親百姓親則天下平是道也所以家喻而戶曉者也是故家有塾黨有庠鄉有序國有學蓋古比屋而教人比屋而學也初不爲選士設而士選則賢後世此道不明學者惟假以階利祿耳

重修文廟記畧

教諭汪佑

德平舊稱富庶俗尚禮故廟學之建規模宏廣冠他邑迨歷年久遠風雨飄飄日見凋謝求其修治而繕理者數十年未有其人永樂戊戌懷遠

大有氏由鄉進士來教于茲奠謁之際仰瞻大息  
懼無以示尊崇嚴對越也乃謀同寅得教諭彭城  
戴處善訓導姑熟胡克 捐俸以 之倡白其事  
於諸賢士大夫縉紳之士忻然和 由是工師獻  
技役夫效勞殿宇堂 觀戶牖悉 除舊而更  
新建文昌宮於櫺星門 棟宇崇麗廟貌顯嚴堂  
齋方舍内外墻垣興廢 心云云

重修文廟碑

安 鄭 材

夫學宮妥聖靈表文物賢士教化關焉假令湫溢

囂塵不可以居 之 何何教化之爲也有司  
責在興賢隨廢圯飭治之誠不可後哉余不佞承  
乏德平於文治之興有志而未遠也顧前乎此者  
廟貌則旣壯矣人材則旣盛矣誰爲爲之敢忘厥  
自乎士大夫爲余言曰不腆敝邑往者學宮陋甚  
不足以肄業幾不足以蔽風雨科第之不舉者踰  
幾年矣唯時戊辰彭侯來撫是邑嘆喑殘廢毅然  
舉事不憚修繕以有今日也於是相與周視學宮  
指聖殿曰昔三間耳今增爲五間儼如也指兩

曰昔各七間耳今增爲各十五間翼如也舊名宦祠附戟門左鄉賢祠附戟門右苟簡特甚今創改兩祠各三間一如弟子位跂如也戟門舊狹小今增兩間以闢賢路櫺星門舊迂遠今退數武以藏風氣而廓如也整如也且樹之藩屏鑿之泮池而轟轟如也淵淵如也虛明爽塏飛甍鱗次煥然巍然禮樂維新英賢崛起如持左券而取之則彭侯大有造于吾邑矣又三年辛未袁侯至以學地前少拱衛乃於城之南隅建聚奎樓學之東西豎興

賢坊育才坊又一年壬申程侯至以學無主山復建一樓於城之北隅與南樓相對又三年乙亥何侯至復於南門高其城樓曰文明而學之規制滋以備矣今年天不遺我敝邑惟侯繼之嘉前人之丕績而光大之厥惟敝邑之幸余瞿然謝不敏曰主臣余不佞惡敢望四公不佞繼四公後猶之平陽之代鄼侯耳法令具存奉以周旋無敢失墜而已士大夫又曰聚奎樓歲久漸頽學宮修且久未有記北奎樓建且久未有名是不能無請于侯也

余不佞於職無所辭於是修聚奎樓新其棟字拓其規制於北樓則扁之曰光嶽蓋取光嶽氣完人才輩出之意予之所以繼四君而謝諸君子之請者如是而已諸君子復請曰願有記于是退而書其所以然如此彭公諱時中壬子舉人直隸石埭人袁公諱弘德戊辰進士直隸曲周人程公諱沂戊辰進士湖廣咸寧人何公諱倬甲戌進士河南杞縣人

眞武廟碑記

葛守禮

嘉靖丙午之秋邑建眞武廟成先是邑侯新鄭公患民火災旣爲火神祠祭之且下令於民俾爲水祠於是邑人許鸞等以北極眞武實爲水帝相率於壬癸之方建祠蓋至是訖工或訊予曰五方之帝人皆得祀乎典祀咸秩非祭爲諂何可瀆也然則終將置乎曰有其舉之莫可廢也奚其置嘗觀古今人情大約有三以道化之而善以法制之而善不關知道非緣畏法獨恐神明之陰譴而亦善是故有保極示信率俾協中有布法象魏辟以

止辟有要質盟誓神道設教聖人御世禮樂刑罰  
享祀三者不可一缺也獯祭魚豢祭獸物何所宜  
取其知報不論其無當耳故聖人以之制禮子曰  
鬼神之爲德其盛矣乎視之而弗見聽之而弗聞  
體物而不可遺蘓軾氏曰神在天下如水在地夫  
水行率土然必掘地得泉水斯可見廟建之義亦  
可推乎故嬪以非福豈惟庶民不宜水旱疾癘羣  
而禱焉是亦登聞之地聽卑之所也詩曰鑒觀四  
方求民之莫帝不一日忘民又曰陟降厥土日鑒  
在茲民何可一日忘帝乎若是則邑將多善人而  
祠之有裨不小矣或曰是義也民鮮克知之請勒  
諸石以告來謁祠下者

改修關廟碑記

劉本元

廟建於嘉靖癸未春迄今十餘載社會孫禮單經  
趙良等來索予識成且及改修者予惟行惟貞惟  
克久著節不固乃弗當於難成建以慕古者義則  
幹之惑幽而強辦嗇已而惰焉莫終也已故光煥  
者徵其素底成者驗其施亦惟丕後乃定惟王氣

節貞固備在漢獻之紀不必言之悉矣古今人論一也王惟時履盤錯如爨永有聲譽建廟崇像遐乎歷已久哉王非區區立名後世者第以嘗苦而犯難義勇至今重之士君子懷激而彰之者所以昭前烈勵貞節樹之的而望今也其舊第在城之東隅逼尼所居狹而室蔽或旱禱于茲吏民苦其隘不便往反復有遷居之議于時藺子言邑陰陽官家多積好施而禮神遂以身其事家計罔嬰擇南郭外不惜千金之費得盛地經營率作不遑暇

食大董之浹旬而位成越半載始克大備其廟宇側室規基宏麗采賁冠邑諸祠罔費於官罔傷於民嗚呼亦勞矣惟王有居厥靈益耀耀不吾子其孰成之且是地初爲萬氏之治田判懷慶瑀曾夜夢有白髮者道是地後必爲帝王之居今果若焉矣夫神非擇地而後安靈地者必于神者也地非待人而後便依神者必于人者也微是地則神不以居微是神則言不以立有義士以治地有靈地以棲神是可以昭永世矣遂記以垂不朽

袁侯德政碑

河南道御史于鯨

袁公來尹德平時隆慶之五年也越一歲召入爲  
戶部尚書郎已自戶部移兵部又自兵部陟光祿  
寺丞蓋去邑者凡數年矣而邑中父老若子弟猶  
思之不置也則相率樹碑邑門下以圖永 今御  
史大夫葛公其邑人也乃進鯨謂之曰余以臺臣  
得與冢宰兩主大計每通校海內中丞御史之  
以及監司郡太守之奏對一時令褒 稱異等者  
大都民喁喁稱良焉至於循名覆實則猶未敢盡

信之如目所睹於袁君者也爾其識之嗟嗟茲邑  
中父老若子弟所以滋久不忘公者耶德平 旣  
薄而政又積蠹里中豪多通吏胥爲奸利田畝橫  
阡陌而賦不入徵籍編民加累實甚矣公至廉得  
其情因下令使自白日令跡非能偏丘畝而神可  
以照窮簷卽欺令適自斃耳邑中豪因悉自出白  
焉一時清者凡數十百畝民于是時稍轉甦無復  
豪強坐累之憂往歲徵科宿奸恣漁獵而令不問  
也使者按部一窮詰則令有失察課累之責者亦

數年械繫纍纍而載道矣公謂恣意在耳目之前而患在數年之後奈何以鞭笞禁乎一切徵賦令民悉自輸宿奸不得與焉其它負責更數年所者劑量貧富各收其所能償蓋謐然爲之不苛而辦不踰月報課諸司諸司咸驚且喜曰令安得催科若此治蠹者易震蕩而監司之所稱蓋不擾也民困稍稍紓公務在休養之有事境土供億轉置送迎舊一以委諸里甲日輒費十餘金重苦無卹公始取正賦之羨使度支在官什器儲得

相爲用焉數十年敝政一朝嘉與百姓日新邑不重困暇日進諸生與之發明大誼邑自是稱文學二三子得以經明行修翩翩偕計於有司閭閻則爲約束戒令以修舉輶軒之教三老教孝弟力田其若于訓則以顏旌之或親加慰喻賜以粟帛不然卽微知之則大懲其甚者而邑中凜凜矣公性雖敦大而政甚敕備無論耳目之下卽前令所廢不理者公慮必及焉曰鄴令引漳水以溉田不憚拮据之勞吾卽不能興利利民辭鞅掌

而使政墮不理乎邑一時多所修舉卽祠宇館舍無不煥然改觀而過者知其政矣使者按部課羣吏必以公爲首稱而最書隨焉近者視而效之遠者四面望而法之無不內遜居下風至于歌頌貌祀悅如桐鄉之於朱邑則公何意于民而以誠孚之耳孔子曰斯民也三代所以直道而行觀于德平之民非耶先民之言水也載舟亦覆舟民猶水也撫之則思思則懷懷則去而思拂之則怨怨則讟讟則懼其去弗速也蓋昔者南國思召公也愛

其樹而不忍傷故其詩曰蔽芾甘棠勿剪勿伐夫樹猶愛矧曰其人或者謂賢聖遼逖教道陵彞民志不純化理乃窒古今人不相及豈其然哉碑而志之匪以慰諸父老之思嗣吏於斯者得所攬觀矣公名弘德字執甫廣平之曲周人隆慶戊辰進士與不佞同年舉者也銘曰漳洛之滙哲人掘起入對大庭出宰百里公始蒞止霓望方殷乃第坵畝欺謾是甄已則神明民斯赤子撫字心 父母孔邇政惟良吏教則良師田疇子弟植之訓之

禦 連戴仁服義民風士習不偏以陂顧茲令德  
實懷我人奪我父母曷尊曷親九罭有歌公歸無  
所稱最銓階揚績當宁黼黻中朝其忘東土蔽  
甘棠受天之祐不朽者仁以報召杜

王侯德政碑

教諭丘茂樸

正德戊辰夏仲月予爲祿養典德平教越四年辛  
未春季朱侯朝覲歸謂予曰生之繼王侯猶王侯  
之繼李侯也李侯之政先生得於所聞者旣受王  
侯託爲之書其實矣况王侯之政先生得之於所

見曷亦爲生書乎王侯者無異於向之書乎李侯  
也哉夫予嘗會諸大京兆藺公琦戶曹主政呂公  
佑同寅錢笥張森等得之士民咸謂其善政當紀  
以垂不朽今又因侯之命適以遂予與諸賢素願  
其曷敢辭用是按王侯名鏗字彥聲順天平谷人  
也以辛酉鄉薦登顧鼎臣榜進士自奉 命來尹  
德平志欲不愧于科名功必務期乎澤致政教率  
厥常士民習服不擾弊革而吏翕然聽順之威克  
厥愛爭訟者莫不望庭而返盜散於境之外俗

犬不夜吠之風田野課農桑之業版籍增流民之  
日凡學校差役稅糧馬政庶務秩然振舉察院藩  
臬皆稱爲賢哉令尹而獎勞之禮屢加焉且嘗謂  
民者邦之本食者民之天子貢問政夫子以足食  
爲首食爲人政之先箕子爲武王陳洪範及之故  
於儲倉一事尤所用心罰加乎自犯之罪利不私  
於家財生於饑年之餘歛弗及於民粟積餘三千  
石隣邑聞之馳報丐糧非侯之立政英風其曷克  
是已而雅聲動於 朝廷卽有豸史之 豈欲以

侯之庇一邑之民者而庇天下之民此則 聖謀  
之宏遠也夫侯之善政予不能 不能鐫惟撮  
其所見之大者而書之以答朱侯之請亦以告後  
之嗣乎朱侯者誦斯文而心有所感焉必能圖厥  
政以清教化之 邦國之本則後之嗣乎予者  
亦必特書 一書而已也

李侯德政碑

教諭丘茂樸

世之德政有得於所見而知其善者有得於聞而  
知其善者見而知其善者若 王侯是矣聞而知

其善者若王侯之前李侯是矣予今歲六月領斯  
邑之教接王侯之政顧謂之曰此邑之生民果何  
如享是太平也卽王侯曰吾任之前尚有李侯者  
發身黃甲德政之善且有鑿鑿可紀先生暇日當  
爲之序而予卽命工刻之於碑以傳不朽不亦休  
哉予因斯命遂退而質諸故老詢諸生徒事功顯  
赫至今不磨雖示親炙其人然聞而知其詳者則  
與見而知之者不異矣夫自李侯之未知是縣也  
予問其城池則曰曠野平地矣問其廟庭則曰將

入荆棘矣問其齋舍則曰鞠爲茂草矣問其上官  
行在則曰苟且而未創矣問其城樓鼓角則曰廢  
墜而未立矣及其弘治十年十月初八日來父母  
乎斯邑未及三載鑿斯池也築斯城也于以峻羣  
醜出入之防建廟庭也立兩廡也于以延春秋崇  
報之典學堂一新所以尊儒官也齋舍一整所以  
課生徒也勸課耕蠶所以重農桑也東創西造所  
以修事上之館閣也晨鍾暮鼓所以警下民之音  
嚮也至於今家詩書而人禮樂士之得其業也朝

而作暮而歸民之樂其生也士與民交相謂曰吾之所以各獲無窮之慶者皆我李侯父母之賜也立碑只以紀其事耳何足以展赤子之誠耶今爲臺憲於四川其在泉下者固蒙其膏澤矣只願天祐善人君眷善政入而輔弼乎斧宸霖雨一施天下忘渴是乃吾士吾民之所深願者也予考今日之所聞驗之昔者之所創究夫士民衷情是皆樂其政之善而喜其令之良也遂集數行而歸之王侯命工刻之於石庶乎後日君子以興起善

政爲已任

藺琦誌銘

大學士李東陽

正德六年辛未六月二十日順天府府尹藺君卒于家其子天仁上京師奉南京太僕卿盧君享狀介翰林院編修趙生來請予銘予辭至再而天仁請弗置弗得輒歸歸未幾復來請曰吾父俟此以暝不肖孤俟此以葬予惻然乃叙而銘之按狀出晉之韓厥支孫以邑爲氏今世頗希見居濟南德平者爲巨族累世弗顯君諱琦字廷璽生而顯

出志操非凡兒比補縣弟子員成化十年甲午舉山東鄉薦十七年辛丑登進士第十九年癸卯被選爲兵科給事中累遷都給事中其所論列或聯名或獨上累至數十多切時務常勾稽邊儲會簡京營兵馬巡視諸馬芻牧充楚府冊封副使皆特遣承勅捧冊以行隨事舉職無弗稱者弘治六年癸丑擢順天府丞至十四年辛亥乃進府尹君志本愛民佐事旣久熟政體知民瘼一意撫字徭役叢集極力應辦惟才力弗給是懼民亦安之無異

詞嘗條上十二事多行之者三載考績賜誥命階通議大夫累贈厥考拳及祖成守如其官祖妣某氏妣戴氏皆爲淑人十八年乙丑今天子卽祚君以前恩命致仕歸訓子孫化鄉黨率用禮讓於凡世務悉置弗問蓋年七十有一而卒其生則正統六年辛酉六月六日也訃聞詔賜祭葬如例

申免緯夫碑記

海豐王 清

德州當水陸之衝蓋濟南一都會也舟楫往來率用緯夫民不堪命至厯宸慮嚴禁私派旣炳若日

星 德州且然况他邑乎德平去德州百四十里而進 邑之疲瘠者也往者縶夫之役橫相及焉時令茲邑者不能據法申請至沿爲例以重累民未有紀極邑之去州固百餘里也監司恐舟之猝至而夫不時集則往往檄邑先期徵發以待令又奉行過當至遍索間左其豪黠者又以力脫則拘執細弱閉之空室中使其饑餓寒凍駢有疊足不得少休息則未及舟而困斃者不知其凡几矣近者季令至邑監司又以檄催縶夫季令諗于衆

曰邑之去州遠矣何以相及也衆曰例也奈何令慨然曰州邑之例孰與 朝廷之法且令之職恤民而已民之不恤安用令爲縶夫之不免民何以恤令願以官爭之則爲文請之監司以達于撫曰德平之民去州遼遠于法不當爲縶夫于州監司以例難之令執如初反覆質請卒不可奪必得允乃已予適奉 命祀南鎮往來茲邑目擊其事令不自以爲功惟恐其無以垂後而旋爲民厲也則俾邑人勒之貞石而求予文以誌其實予以遵

功令而恤民瘼固令職也後之有事茲土者其孰不奉法以勤職而循陋例以獲戾乎吾知令之志其於茲事也可以久而不渝也已於是乎書

家禮摘要序

新城 象乾

自昔聖王弘宣天道雕琢人文正俗 倫蒸德埏世以上承天祐者其道莫重於禮夫 也原於太乙列於兩儀經紀於五行七政而 藻績於百務萬品人受中具體其間引肱錯 噫嚏咳襍裋哺啜何莫不由而別聲被色之倫 心構目不

瀆則愨故曰禮之於人猶酒之有蘖也君子以厚小人以薄春澗玄流秋封豕素風邈矣人藏其心浮華是競山魚澤鹿美沒不經縉紳先生不講於其義猥云司存而姬公尼父之精意幾於歸藏夏小正並觀之矣無論祀戎賓享國家大典曠乎無聞卽家庭紳帶間報本反始之義亦日循于秕稗所謂竭情盡慎美文而情若者謂何刑肅俗敝所由來矣東山葛先生御史大夫端肅公家督也幼好奇服蹈矩履繩菟羣書之舊文而衡以端肅公

之庭訓勒爲是編用以垂世而範家其爲卷凡五  
爲圖四爲目四十有四其取節本之儀禮其施用  
倣程河南朱考亭其宗法一準於大傳明率祖率  
親之重輕別子繼別之世屬嗟乎余於是而見先  
生之以人道親親也親親故尊祖尊祖故敬宗敬  
宗故收族收族故宗廟嚴百志成而禮俗刑政皆  
是物也先生之用意勤矣精矣余生也晚不及操  
几杖從先生遊庚午與仲氏太史公周旋廉棘間  
明年辛未識伯氏尚璽公於燕邸又三年甲戌入

計與兩公者情好日篤締爲松蘿於是先生家政  
始得詳聞先生母太夫人春秋九十有三高矣尚  
璽太史承先生志晨起冠綉纓端柔聲怡色率家  
人子奉几榻簞供滌醴醢佐餒視具敦牟卮匱  
箴管繁 必豫以飭拊以內櫛枷篋笥巾櫛俞唯  
絲革溷浴必遠以別子弟就外傳遊膠庠者鼓篋  
樂業䟽布躡屩進退揖遊必齊以慎閑閭黨雍  
雍如也穆穆如也雖漢石唐柳宋涑水滎陽詎可  
多讓本所自始則先生行修言道其質的也往肅

廟間端肅公爲太常伯典儀曹三禮洽合神人  
上初起御史大夫振肅臺紀其祛怵崇約一疏海  
內嚮風幾還淳朴大同之化先生纘承厥志疏與  
抉微論著甚富靡非以厚人倫美風俗爲本而四  
禮實括人道終始之大端辟於其義喻於其情將  
以天下爲一家然則斯禮也詎獨庇葛氏之宗已  
耶昔魯人將有事於上帝必先類宮齊人將有事  
於太山必先配林篤近舉遠禮之序也是書也無  
亦先生之類宮配林也已余不佞聞先生之風竊

欲與二三縉紳家遵循是書爲修身閑家嚆矢爰  
錄而正之以授梓人遂弁之簡端

明名分以正紀綱疏

葛守禮

題爲明名分以正紀綱以定民志事臣聞體統正  
而後朝廷尊民志定而後天下治記曰安上治民  
莫善於禮而禮之大者莫過於名分也人君身居  
九重之內而風驅霆行聲教訖於四海者恃有此  
分而已粵稽諸古自唐虞三代以至於漢唐宋皆  
以有禮而治無禮而亂載在史籍歷歷可考我朝

建官分職以爲民極其限之品制章之物采者截  
然不紊典則具在世守維欽也但人情務於好上  
而法制廢於因循沿至於今遂成陵替如人無少  
長皆稱曰翁官無崇卑相呼爲老或亢厲以自賢  
能或卑狗以爲長厚六卿帥屬之義未盡百僚相  
讓之道靡敦官名九品混若一途綱紀紊矣孟子  
曰上無道揆也下無法守也朝不信道工不信度  
君子犯義小人犯刑漸磨則効之勢然爾卽今輦  
轂之下市井雜流梁冠半道閭 富室珠繡盈門

踰節非分凡可以自逞者無不爲也是豈可更長  
乎其在四方又有可言者監司守令體統素嚴今  
亦有大不然者監司行部守令叅謁畱坐待茶延  
接不暇一有缺者則訕謗四出撫按信之監司反  
不能安其位如此倒置又何望其督責考覈令其  
修舉職業乎夫相臨者至於相狎士庶習見其然  
遂不復知有長上由是學校不分師友家庭不遵  
父兄鄉黨不遜耆老悖逆成俗矣至於僭侈自恣  
則居畫棟飾雕墻乘銀鞍擊銅鼓奢靡相高更無

顧忌加以織房作爲淫巧如宋錦時樣衣著或狀若團龍或徧地雲鶴度民皆得用之間或有衣黃者人亦不以爲非而其妻妾亦皆珠翠爲冠花樣作袍有命婦所不能備者僭踰無涯之念不知何所止極綱紀淪斃甚非所以尊朝廷而安臣度也唐臣韓愈曰善治者不計天下之安危察其紀綱之理亂而已今未可謂理也宋臣朱熹曰監司者守令之綱也朝廷者監司之本也本原之地亦在朝廷而已漢臣賈誼取譬曰人君猶堂羣臣猶陛

衆庶猶地陞九級而上簾遠地則堂高陞無級簾近地則堂卑亦善喻也爲臣子者豈忍使陞無級以卑吾堂乎臣等伏望勅下禮部申明禮制自朝儀始嚴令大小臣工各安名分慎守禮節以綱紀四方敢有違越者許各衙門長官并臣等及該科叅究吏部仍察訪別處挽回陵替之風用成大順之治臣民幸甚天下幸甚其風俗奢僭之事開欵奏請禁約施行

一禮教不行法度廢弛士庶無知敢於犯上卽今

家庭忤父兄學校欺師長鄉黨凌耆老以至生員聚衆山民結黨拒毆官府作亂之情既屢形矣若不及今嚴行痛戒將來釀成惡逆愈不可救合行內外官司極力矯正若有犯者盡法處治度綱紀可復整頓在朝大小文武在外監司守令亦當先自省戒各守名分以爲移風易俗之倡

一忠靜冠服聖製許七品以上文官私居使用下惟儒官亦許今市井雜流監儒省祭各着褻衣亦戴忠靜冠幾於半道非體非分合行禁約

一士庶男女衣服舊制只許用光素紬絹大布今民間僭用宋錦及雲鶴綾緞紗羅女衣或僭用雲肩花鳳通袖非分非宜合行禁約機房所在嚴禁不許織造違者各治罪追奪

一縉紳士庶燕會供具肴饌用數品足矣今用大盤羅列殊爲暴殄且用戲子喧囂狎謔亦屬不行禁約

又民間婚喪擅用銅鑼鼓晝夜喧闐甚爲忤侈合

一珠翠寶玉所以飾貴今民間一槩用之非分非

節合行禁約

一土庠房屋只用樸壯今富民僭用藻畫刻鏤合行禁約

一乘轎所以明貴今雜流卑官公差監生及醫卜等人濫乘肩輿交踪道路民勞何堪合行禁約驛遞官查訪不許應付違者各治以罪

一官員行路無大小文武皆喜用金鼓旗號人馬勞費民甚不堪合行禁約

一寺觀徧天下有之不可復加矣無知小民猶思

建置徼福諛瀆無謂合行禁約

一五金惟黃爲貴雜用惟金爲多至於爲葉爲簿爲泥則一去不返可惜之甚今寺觀用以貼上木書畫用以寫卷軸工匠用以銷帷帳以至飛金灑金餞金燒金鍍金鏤金等項耗蠹多端至於上供御用一時召買反不能給若不禁約竊恐歲久虛耗將經用爲缺合行戒諭金商不許將黃金輕錘爲箔有仍市販金箔者稅司重加納稅以示裁抑之意 以上數條合候命下在內行五城御史在

外行巡按御史各出榜禁諭務求實效不許虛應  
縱容違者聽本院考察查究奉 旨這所奏有俾  
風教依擬通行禁約

宜疎園記

節文

葛守禮

平昌青郊三里詳有園方四十畝周以垣南臨大  
道果蔬花卉雜植其間中爲重垣內構與川草堂  
後建平樓下爲燕處中取迥塵其上則以眺遠列  
兩廂爲儲 後有土屋倚樓最後爲後樂亭松竹  
交映森森如也中門外依井爲蓮池種分紅白旣

潔旣清不矯不妖君子比德焉此亦物外清區而  
林間之別趣主人自得有不可以語人者園名  
宜疎蓋葛子退老之所也人有問者曰園名宜疎  
義何居也疎有三有狂有鹵有慵皆非美稱此而  
曰宜義何居也則應曰疎者對密爲言也而曷嘗  
有定用不曰有疎淡乎泊乎勢利不曰有疎朗乎  
皦然心事不曰有疎快乎怡然天真予得意于是  
而取戾於是故於園自見焉爾但見田疎而碩果  
疎而大竹木花卉亭亭各植不相凌而自適以至

池面魚遊而不可餌林中啼而不可就田夫  
子祖裼歌呼而不可擲而主人者亦徜徉乎其  
中時遊時息時踞卧無客酒吟不韻詩召子  
美孫以琴以不覺其日之夕也故疎惟此  
爲宜卽言若疎狂不過放浪形骸若疎鹵不  
過顛倒衣裳若疎慵不過日高睡起在此園亦  
不可也言則氣固飲食疎則念慾疎則  
心靜思慮疎則神完疎乎疎乎其易簡而天下之  
理得者乎予名園且將持以終其身人

雖號予曰疎翁亦可也旣以語其人因書以爲園  
記

祀典議

葛如麟

郊廟社稷而次有歷代帝王廟焉三皇五帝遐  
哉軌矣三王而下唐當易太宗以高祖元當復世  
祖及其臣乃若周網不綱七雄鼎沸非始皇之兼  
併成秦恐漢高難以徒步而混一晉馬失馭非隋  
文之南北合統唐高益難以逆節而創垂非元世  
祖統一華夏明太祖不堦尺土匹民崛起成統

之大業也不猶煩歲月之勞乎驅除首功允宜歸之秦始皇隋文帝元世祖三君是三君者歲遣祀其廟或墓增灑掃之戶嚴採樵之禁儻亦禮之可以義起者乎僭論郊社而并及之惟典禮者之裁請焉

### 文廟

孔子以經學垂萬世支持名教匡毗元化而七十子躬承脉接隱見不同繼開則一漢高太牢一祀道統始麗中天代因修祀爰及配享愚竊謂配而

享之止此七十子者足矣中間非無短喪聚斂之可議說越黨陳之可疑要之依光日月傳訛附會都不必論推而啟聖公之專祠諸賢父之移配典如是焉備矣無遺議矣其他一時答問之儒原未顯據門墻之侍各祀其鄉覺協于制至從祀漢家諸儒報明經之功於遺燼之燃已多文行不倫而况晉唐之原未明經隋宋之自謂續經者俎豆廟庭果否安享酬酢庶次果否傳心對七十子帖然後進之列仰吾夫子寅然承系之人乎近議忠孝

勲名文章諸大家亦當問予從祀豈不以忠孝也  
勲名也文章也總自經學體認來總自夫子作用  
來風勵吾黨彌縫衰世差勝于表章六經者之空  
談之勲談之異談輩而世變江河人情鬼蜮口騰  
一議家持一見高者侈雄辯亢公論以爲名卑者  
闢倖門籠華胄以爲利焉者有之矣卽廟堂之上  
何所取衷乎此王文成之非不續傳非不翼經非  
不忠孝非不勲業文章而當年未祀之先讒嫉誣  
讎幾同異類今日已祀之後穴爭袒峻久懸世封

也嗚呼嗚呼他尚何言哉故愚妄意晚世無百當  
之人情國是宜一定之法守吾夫子旣兼先師先  
聖之尊久專周公南面之位文廟中第侑彼七十  
子明經術一道統而已從祀未從祀及歷代從祀  
諸儒各秩祀于其里上之特祠而朝建次之類祀  
于鄉賢有所加贈加謚第各如其人而止文章也  
勲名也忠孝也理學也人人享榮名而貽令則勿  
過歆艷于二丁之重致畱雌黃于百世之吻詎不  
與雖然廟制之立久矣見座之撤難矣姑仍舊

貫而協新議速定未謚未贈未崇祀鄉賢諸公以厭服人心而示之趨也其猶可爲也夫

### 家廟

朱文公修其祖廟集註歷舉天子至官師廟數而不及庶人或庶人不敢立廟而時祭考妣于寢也後世天子之廟七崇而九矣藩王比諸侯可以七而大夫可以五士庶可以三矣文公考定家禮特圖祠堂四親之序不著貴賤世代之詳意以爲高曾祖父同屬有服之親同宜因心之享天理人情

通乎上下惟是廟嫌擬尊謂之祠堂焉耳洪武初詔天下遵文公家禮已而陶安定郊社詹同定宗廟魏觀定祝祭彙爲大明集禮一書頒示中外其於王公以下大夫士庶人廟制未違一一也至嘉靖十三年奉品官得祭始祖之令於是縉紳家改立祠堂始祖居中左高右曾左祖右禰備五世時享不復用家禮親舊位由此觀之則非品官而不敢祭始祖者仍文公家禮奉國初之詔可矣孟子曰人人親其親長其長而天下平凡今仕宦以

迄齊民力苟不能建祠堂題木主卽祭于寢祭于墓無忘水源木本之思各抒愼終追遠之情焉可矣然愚獨因是有感焉家禮服制生我育我恩均罔極斬衰齊衰報豈容二又嫡母在庶子爲所生祖父在嫡孫爲祖母俱降服齊衰期年于理于情殊覺未協大哉孝慈錄之詳哉其言之也及定大明律備圖一切服制于簡端仁之盡義之至昭昭揭日月而行允爲萬世臣民之憲世乃有仍用家禮者何也三父八母之說旣明則生母自從正服

父母之文而父母斬衰三年之服旣同則承重目無祖父祖母之異豈得以國初曾頒示朱子家禮也反于當日欽定集禮孝慈錄律令弗之信從也哉夫祭緣喪起喪以服別敬正言之共仁人孝子遵王制焉

上周鹽臺書

葛昕

先年敝縣止行官鹽禁民私販官鹽不敷民用插和土灰派之里甲官爲追價貧民大困乃勢不能不沽之零販者以致無藉射利之徒數百爲羣

自行鹽縱橫近海之縣一過村疇頭畜徑食人禾苗飲食率不還價值各持長鞭短棍惟所欲爲邏者莫敢誰何先端肅公憂之曾與蘓鹽院公祖議濱海縣各分給鹽票票定斤秤使各行於本州縣境內而四方無藉徒始潛散宵遁廿年來人獲貼席咸以爲得弭盜法永免門庭禍患矣茲聞有大賈創爲私鹽妨公之議力乞裁革吾縣鹽票夫票旣驗之臺端發之司府豈得日之爲私敝縣去海纔百餘里何爲與臨海諸縣殊視使其計行誠恐

只快一大商報復且坐收重利始而困累居民繼而竊伏鹽徒糾衆大發其貽害流毒地方可勝言哉伏乞尊慈念此舉有關地方大利害仍查舊例一體准令給票充課俾土商與官商並行盜弭安民不特富商窮民兩利下邑將世世感覆載生成之恩矣伏惟原鑒無他賜賜之施行不勝仰望按德平土商行票鹽始於隆慶萬曆年間創議是法則葛端肅公旣革而請復則葛尚寶公行之數十年爾時鹽值斤纔錢二三文旣無礙於官課甚

有便於戶口之食至天啟年間復革既革而私販  
遂羣行爲害村疇有伏戎之慮且價旣騰湧食鹽  
不敷人思二公之澤益深則此書之不可不載非  
獨以其文章而已也

保甲議

葛 曦

謹按保甲昉于熙豐世以王呂新法變舊章以禍  
宋疵其人因疵其法夫法貴宜民趨時爲大苟與  
時違卽聖哲所建亦敝倘與時宜又烏得以人廢  
之馬端臨曰三代井田之良法壞于鞅唐租庸調

之良法壞于炎二人之事君子羞稱而後之爲國  
者一遵其法一或變之反至煩擾無稽國與民俱  
病愚以爲保甲之法亦然矧比閭什伍成周以王  
卽彛吾內政亦且以伯而守望相助陳王道者復  
亟亟焉奈何至于今而疑之今寰宇清彛閭閻寧  
謐北烽南瘴不復內訌孰不謂休明治世何俟杞  
憂然歲有荒歉萑苻多盜內則武備衰弱外則郡  
邑無兵所爲利賴于保甲者不淺尠矣夫盜賊橫  
發由于不虞或自爲防禦力孤弗勝耳今令十家

爲甲甲有首各鄉爲保保有正丁籍分明器械有  
餘大小相維統屬聯絡如臂使指如常山率然首  
尾相應寇至一家環數十家共撲之與一身一家  
自相敵角強弱倍蓰寇不將聞風遠遁裏足而弗  
入乎利一夫盜不自盜必有爲之嚮導招延者大  
抵有所容則潛城匿市得以藏奸無所稽則蟻聚  
烏合任其伺隙今令丁男有數術業有考出入遠  
近有期招揭門牆互相覺察其有游惰作姦者何  
以自掩其商賈行旋糾詰物色或有容姦治以連

坐卽巨猾巧探安所駐足利二外患不入內奸不  
出男耕女織力其本業患難相恤出入相維詎維  
百室充盈婦子寧止而衣食多賴風教可興亦足  
爲化民成俗之助利三蓋平居則習成周之黨正  
而率衆相與讀法值警則出師徒一比閭而容民  
卽以畜衆上無徵調之煩下無遷徙之苦民無科  
派之擾官無供億之費保甲可行茲非彰明較著  
者哉第其法久弊生漸失初意自催科政急移保  
甲之稅以充課繇役繁夥搜保甲之丁以爲徭

保正朘削吏胥需索譁囂隳突民始告病以民之病也遂曰法病不知非法之病乃有司之病法耳今之議者曰宜稽察戶牒清理甲榜編審丁壯更置首領愚則以爲保甲相守本爲民計非若均徭編派爲國計也故民自事其事則見其省便官爲之事其事則見其煩擾爲今之計在有司得人尤在聽民自便所謂人者非欲其見事風生喜紛更苛察以爲能也賢在安靜不爲煩擾但慎保甲之舉重漁獵之罰務使窮民經年不見吏然後可以

樂業所謂清稽編審不必官爲之以滋吏胥之奸也所謂便者非欲其伸縮自由若不爲刑罰所加也母調以他役毋擾以他需籍在各保而不在官官治以法而不與其事彼人自保其家鮮有不力者故曰宜聽其自便也何以明其然也伯子令晉城舉行保伍使之力役相恤孝弟忠信相勸民卒賴之此得人之效也韓魏公刺陝初聽民便後藉以配邊而法弊此強民之驗也卽熙豐之法與成周比閭之意原不相遠惟其自上操之甚至鷄

狗彘之畜有司皆爲之計筭是以民不勝擾未見保甲之利而先受其害治道視周霄壤蓋有由然此豈法之罪哉故用法者踵明道之躅鑒魏國之變能爲成周不爲熙豐則善矣

葛氏家乘集古法書序

臨邑邢 侗

平昌葛幼明氏以所業先端肅公家集諸石眎小子侗侗沐手受歛衿閱之竟作而嘆曰是何異躋二華岿堯而茫昧其文尋涉四溟浩渺而慄怛其涯際也粵自結繩代邈文字漸興古文春矣籀篆

夏秋隸正冬矣草行餘閏是知剟刀流潦乃根柢之陳行墨吮豪爲跗萼之燦逮夫語言熾則紀著滋多體度繁則札行浸盛無論聖作明述紛然鏤金猶盪鼎之遺規 礎仍闕珉之往制以故高門大姓孝子慈孫妄殫力於不刊詭競心於慙匠厥亦滔滔皆是涇渭靡分矣第識鑑昏則甄收弗愜搜剔寡則 括未周狗好則波濫已東泥遠則水龍猶寓化裁通變夫豈無徒我幼明氏博擅三蒼智淹六故每致慨於韋成念祖未及誌諸幽齋孫

相紀思僅有賴於來宰填胸赤狼希步素風生活  
丹青豈異人任而乃聿追王父顯冊高文羽已  
於三公袞復華於兩字憇遺一老寶誅孔之王言  
附驥千秋徵傳夷於朋輩隻詞片語塵牘網編  
同拾瀋之艱精擬揀金之密目標懸帳歷竭臨池  
以爲不石不堅不古不雅爰採名賢之妙蹟用光  
吾祖之章蓋自祖乙姬文嬴察炎漢魏乃冠之  
鍾傳則斷自王羲雜粹六朝以唐則多  
其付授宋亦輯其偏長下迨金元不乖餘系一人

數紙則紙紙揖其風流一代數碑則碑碑攝其神  
駿亦有潦痕駁蝕崑蘚爛班縋夫萬之淵士  
千尋之壁諸求印可備極體裁是役也筆花霏弗  
若晉子敬之掃白書丹理郭填卽蜀知微之  
化蓋吉光萬羽而集爲重喪略無羽跡豫章千材  
而構爲大廈疇見材端祠廡周遭孟槃交映景襄  
鍾鈕陋鼓鑄之未工饗饗亞形較欵識之粗備方  
斯盡美所謂菽壇之絕致孝子之傑思也侗間與  
幼明言明盛以來觚翰之長羣歸江左碑版之富

亦首金間似汎支流未窮 夫伯喈陳留占  
孟皇安定爲鄉茂先著於范 肩吾奮於新野柳  
諫生於京兆蕭郎望於蘭陵鍾傅王羲瑯琊穎水  
舉世所知已唯是介石豐螭瑰篇偉製丑傳北  
滲漉我人偶覩黃河一曲文豹一斑而謂崑崙爲  
南發之源澤霧非西鍾之秀斯則不達之甚也從  
此平昌以幼明大矣幼明用中原幟矣他山數娑  
再見漢唐之世齋堂半畝足當翰墨之林義夙出  
於賢尊暉生綈裘勞未經於令弟緒就木天蓋坐

而論道維端肅公作而行之則幼明氏繫云吳叟  
工備 摩有其舉之厥在周禮孔子曰美哉瓊璠  
遠而望之煥如也近而視之瑟如也其以喻茲石  
也孟子曰爲高必因丘陵爲下必因川澤又曰尊  
先王之法而過者未之有也其以喻茲石也侗也  
尋丈測峩堯徒勤仰止際涯窺浩渺祇切望洋斯  
石斯人保諸 斲而已

不計其緩邪期改行不咎其往盜期麗法罔治其  
脅至於河道之征本安德之賦無端而波及於平  
爲累者有年矣侯力請於上臺永爲豁除此又省  
間左億萬金錢世世佩德者也故入其邑而秀者  
文樸者良觀其野而鷄犬不驚作息自如行其庭  
而高樹鳥巢空階鶴舞化日舒以長皆壽徵也迺  
皇覽佳辰適逢清和之候四埜之禾遍壠兩岐之  
穗登場田夫饁婦望杏瞻蒲彼靈芝朱草奚足云  
乎當其雲繞遼陽祥徵鸞鷲之夢迄今筵開盤左

載賡麒麟之詞屏繪中牟馴雉之圖曲演壽春留  
犢之事則侯之仁心介行壽

國壽民還而自壽也蓋侯爲遼左世第闕閱名家  
太公紹明德而善義方滋培者厚斯承藉者深  
伯氏太公以從龍佐命典禮闡督漕政光生玉筍  
之班功流會通之水而伯仲間復有 範先公秉  
憲雄州整飭畿輔作述壘篋後先濟美則政成奏  
最侯之答

帝眷亦侯之嗣前休協同氣也跼看嘉猷入告循古

三載考績之法當膺不次之擢如漢唐之世出諸州入爲宰輔盛事五雲多處廣布膏澤無論畏壘之社稷常新卽區區鄰封亦邀甘棠之餘蔭矣余不佞倥偬戎馬無能一一述侯懿美謹據躬被心悉及口碑之來江以南者敷爲俚言藉手代華封之祝庶幾異日而史管邑乘有所考鏡云爾若彼比海擬山大還久視一切諛頌之習言則不敢以進

重修兩廟碑文

鹽山縣知縣

邑人劉印德

德平縣志

卷之四

四十五

鬲城南偏舊有

關帝君祠距數武而南有

岱岳行祠攷之邑乘帝君祠建於明嘉靖之癸未先定菴公有記行祠則重修於萬曆之甲戌枕關依郭朔望則鼓鐘響答聖節則男婦駢集誠一邑具瞻也以久歷年所垣墉棟宇日就頽殘幾於不蔽風雨 邑父母沈公捐俸爲新之未朞月而告成罔損公帑無勞民力盛舉也屬余記其事余惟令君奉命宰一方曰治民曰事神於戲帝君忠義

回陽明用事正氣塞兩間以故盼嚮萬方城邑村  
曠靡不尸而祝之視宜聖之宮梵王之宇爲更廣  
蓋精神磅礴陟降在天故英靈萬古爲昭若 宗  
首五岳長百靈巖巖二東 幣金錢奔走天下以  
裕國以祐民碧霞丹闕徧於方州焉夫以宇內共  
尊之神而祠於一邑掘地得泉敢謂水專在是然  
神無乎不在者也子不語神而著其德之盛以誠  
有不可揜也祀有成秩之典則神之錫民以福牖  
民於善者祀事可以義起吾平當辛未之變巨寇

薄城迨戊寅而萬騎壓境卒之完守無虞挫敵鋒  
而壯士氣彈丸孤城屹若金湯但云人力恐不至  
此以至沴疾爲患而叩祝有 風雨或愆而祈禱  
立應人獲安養物無天札神之錫福胡可誣也且  
也王者敷五教明五刑無非欲規 於善而愚者  
或昧而罔知悍者且藐而成玩權 所不能至司  
世者無如之何而與之 神則知勸知懲邪妄  
然善良淳然此果誰掖之趨而誰鼓之鐸廟貌巍  
崇神威如在以有所見也斯有所感也神之牖

又何可誣也夫禦菑捍患福善禍淫此在神者也  
主善爲師神道設教其在人者也人之誠敬通於  
神之正直神之靈爽彰於人之明信官師紳士嚴  
對越於俎豆父老子弟勤里社之駿奔交感默成  
永爲福主而大啓善緣惠有衆而益無方非第以  
壯觀瞻已也是則我公重修之意云公諱志達字  
沛生遼東人由部臣出宰吾邑治民善政當別有  
記茲惟記事神之一端爾

新建社學碑文

邑令

沈志達

沛生

守令皆親民官也而令於民最近疾痛痾癢如一  
體飲食教誨如一家有父母之義焉民各私其父  
母令能推斯心如凡父母之心則可以爲衆父母  
顧思父母之於子也生而養長而教謀所以養之  
教之也無不至而令之子視其民也勸之耕桑旣  
欲使人自爲養課之詩書又欲使人自爲教謀所  
以養之教之也亦無不至其或貧而不克養也惰  
而不知養也則賑恤時行游手必禁其或悍而不  
率教也愚而不樂教也則夏楚有童啓牖無方而

獨思教亦多術矣非盡悍不率愚不樂也民知向學而或苦脩 不供師傅無資力詘于爲父母者必求伸於爲衆父母者於是乎有社學之設余不敏承

今天子命來吏茲土凡五月稽事告登爰訪社學久經圯廢亟捐俸買城東閒房一所修築堅完中頗軒敞前後可分經蒙兩館躬備脯脩延廩生葛如桂爲之師尋復增設蒙師生員孫章就學日衆是舉也修復於前垂裕于後欲使德之民咸勸于學

德平縣志

卷之四

四十八

而不窮於教將孝弟卽爲力田廉恥生於衣食教養相維而安民弭盜返古還淳胥於是乎在是不可以無記也永諸同好請以俟後之爲民衆父母者

沈邑侯詳免河庫協銀記

長沙同知 葛元福

今上御極之十五年金臺沈侯承

天子命來宰平昌甫下車咨訪民隱釐弊除奸肅然改觀越三載盜戢民安獄訟衰息興學講約吾平之秀者樸者胥喁喁嚮風一時丕變

內召去思方未有艾也茲特舉侯之惠利溥而功不朽者急切言之可乎吾平舊有協濟德州安德驛淺夫銀四百六十二兩代解河庫康熙七年於遵諭陳言案內改歸各州縣此項銀兩應自德州完解而本縣協濟銀兩已編入丁地解司但以從前不卽詳豁因循代解皆額外派徵捐墊也先是侯未入境前任徐君詳 憲暫停在案緣未經題請隨奉檄催嚴迫候洞悉原委關切民瘼反覆懇詳真有確乎不可拔者幸蒙 各憲稔侯廉潔鑒

德平縣志

卷之四

四十九

侯苦心許以剴切敷陳候復悃悃歎歎條析數千言隨蒙移咨尋卽 入告浩蕩

皇仁竟得俞旨侯殆有回天之力大過人者也方侯之毅然力任也竊計當茲軍需浩繁司農仰屋今之爲吏者多畏不敢言言焉未必果行庸詎知侯竟言必可行行必可言有如是乎哉吾不知侯何以默孚

聖主吾不知民何以遭逢我侯百世之澤不朽之功以歸我侯其誰曰不然而侯則曰否否此

聖天子之軫念斯民也此 各憲臺之鑒納下吏  
余亦何功之有抑若所云寬一分受一分之賜  
乎是吾心也後之吏茲土者幸勿以此沾沾者而  
勿爲也勿力也是所望於同心焉者余故服侯之  
量宏而 慮遠也德必有言仁必有勇亶侯之  
謂歟退而記之用登邑乘俾我子孫黎民無忘水  
水云爾

新建防守營房記

沈志達

今國家文武分途不相統轄綏民以文戢兵以武各

有攸司而兵制精嚴衣袷桑土較前代爲詳密卽  
如汛有出防邑有居守廩給以贍之什伍以聯之  
無事可 不虞有警可捍牧 法莫善於此者平  
邑舊不駐兵今則增設防員及馬步伍拾名原未  
定有營所又不便兵民雜處暫駐龍泉古寺旃檀  
香剎厩馬嘶風十笏僧寮百夫豎纛貔貅觸獅象  
未必情性能馴鐵甲伍金剛豈是面目本來雖佛  
號慈悲無我相無人相而兵形象水止則平決則  
流浸淫不已非善後之長策也余甫下車時亟欲

商確經營值倥偬鞅掌倉卒未遑越明年卜基于  
內城之東勅建營房一所正側前後規模粗就自  
夏徂秋苦葢落成雖隘而不苦湫雖窄而足以容  
涓今冬吉移文遷駐從此招提清淨顯菩薩力以  
護

國依然色相莊嚴什伍整齊養虎豹威以衛民屹若  
金湯永固若夫文武交權兵民相習此又余心所  
竊願所樂與我父老子弟共告者也爰附邑乘俾  
知由昉云

沈邑侯新建義塚記 進賢知縣葛元祉

院有養濟所以處生而無告者園有漏澤所以慰  
死而無藏者吾平養濟漏澤載在邑乘院經久圯  
而園地五畝竟莫可考或曰二者可廢乎曰不可  
二者可偏廢乎曰不可抑若先其急者後其緩者  
次第修舉之可乎曰可然則孰者急孰者緩歟曰  
漏澤急漏澤曷爲而急也曰生者寄死者歸生非  
院無以蔽風雨則可散而亦可聚生有覺也死非  
園無以掩胔骼必可聚而不可散死無知也暴

露骸之慘孰與夫鰥寡孤獨之苦夫既化爲異物  
特不能向人世乞憐耳古之稱西伯者曰惠鮮鰥  
寡矣又必于其澤及枯骨也而後咨嗟歎美之曰  
西伯之仁至矣故曰漏澤急也邑父母沈侯豈弟  
慈祥君子也 于周悉民隱之暇念及朽骨悻惻  
纏綿亟出金買地十畝于城西北之原朐立義塚  
俾吾平民之死而無藏者胥得聚鬼於此人曰此  
我侯推愛民之餘於既化者也余則曰既化且然  
而况生者乎而况生而無告者乎吾知侯必有以

處此矣行將次第修舉也漏澤也義塚也名異而  
實同亦先其所急而治幽與治明兼通者也是爲  
記

八景詩

魁臺夕照

都御史王 綸

斷垣矮塔半稜層千載臺空枉費登埋玉有靈稱  
鼻祖尋春無路問山僧雲虬正喜雷初動野馬遙  
看氣欲騰因果憑誰說得出嗅梅笑把石欄凭

前題

知縣周 廣

人遠臺荒碧草萋幽偏那復近招提數聲短笛風  
微度幾點歸鴉日漸低塵世謾嗟遭劫火靈光獨  
爾鎮坤霓乘閑躍馬登臨處樹影參差思欲迷

德平縣志

卷之四

四十一

前題

知縣趙 鏞

斗魁呈象緯培壘突城東反照增春彩落霞散晚  
紅十年文物兆百里煦和融厚下惟隳趾臨高憶  
郊崇

前題

知縣戴王縉

草覆荒臺曲逕通憑高極目接鴻濛天垂若木二  
千界人在平城八景中一帶郊原空野馬萬年神  
鬼幾華蟲携壺不盡登臨興獨立厓前憶閭風

前題

毘陵白 銘

荒郊舊壘鬱崔巍  
繫馬登臨首重回  
何地星文占太史  
有人客路上魁臺  
平原斗酒旗亭遠  
大野西風落日哀  
海國蒼茫頻極目  
彩雲飛處是蓬萊

前題

貢生李圖南

大野荒臺曲徑連  
凭欄獨眺思茫然  
殘霞斷續明孤嶼  
野火迷離沒遠天  
應羨淳風還太古  
誰司魁柄贊重玄  
星纏東井何年事  
搔首低徊落照邊

盤城秋月

周廣

漢家龍馭立盤城  
城廢名存野蔓生  
幾處笙歌分

德平縣志

卷之四

四十二

月色一天砧杵報秋聲  
斧侵丹桂飄香霧  
曲按霓裳鬱舊情  
涼思滿襟成  
獨坐不思呼酒欲  
騎鯨

前題

教諭朱宗岳

林端萬籟寂無聲  
祇有秋蟬分外明  
可惜盤城今寂寞  
一天涼夜負幽情

前題

趙鑄

城古空遺跡  
月明白素秋  
娉婷娥闕皎  
縹緲雉譙  
浮執斧修蟾  
兔乘槎訊斗  
牛清光掬在  
手百里盡瓊樓

前題

知縣戴王縉

明河斜掛古城東  
皓魄曾經照漢宮  
漏徹冰壺秋浩蕩  
柝寒魚鑰夜玲瓏  
元規興發南樓上  
謝尚談深客舫中  
人說廣寒從此去  
仙查何處可乘風

前題

毘陵白 銘

當年鬲國古盤城  
只有秦時片月明  
薜荔寒生清露重  
蘆笳夜靜暮烟平  
尋源有路仙槎遠  
斫桂何人玉斧輕  
此際悲秋無限意  
不堪孤枕析三更

前題

貢生李圖南

一輪皓月漾秋空  
獨上高樓聽斷鴻  
野戍烽烟搖畫角  
盤城樹色老青楓  
梯雲無計窺銀魄  
斫桂何年到玉宮  
把酒臨風無限意  
升沉還欲問嚴翁

基山晴雪

周 廣

團團紅日上基山  
雪映寒光閃爍間  
千樹玉龍蟠地軸  
萬年銀燭照天關  
淮西將士功初就  
東郭先生履未還  
我欲携壺恣詠眺  
不知誰與共躋攀

前題

趙 鑄

極目平原望鴻濛  
獨此山歲寒花絮舞  
海曙玉

盤賦竹衰應繼尋梅興未闌炎風中熱際何處覓

冰丸

前題

知縣戴王縉

天女無端忽散花朝來吟眺玉峯斜晴雲冉冉留  
丹壑紅樹冷冷映白沙絕塞雁鴻遲五夜荒原砧  
杵動千家濡毫欲草梁園賦只恐寒光入鬢華

前題

毘陵白 銘

朝來晴雪滿前蹊蹇騎衝寒過嶺西凍合玉樓愁  
白屋光搖銀海失青齊梅花不到江南信客路應

德平縣志

卷之四

四十五

穿東郭鞞只合袁安高卧穩却緣訪戴漫畱題

時客

德令戴紳  
黃署中

黑水神灣

趙 鑄

泓水深無極神龍蟄有年玄濤時一鼓紫霧鎮長  
旋脉脉寰中澤淵淵靜裏天溪蘓今遍土望雨復  
霓懸

前題

知縣戴王縉

溟滓神潭漾碧虛鬲城遠抱水渠渠腥風挾雨生  
龍窟陰洞迷雲接尾閭潤涸有心思轉鮒學仙無

術欲乘魚祈年擊鼓鄉人事濤瀉疑聞龍母車

前題

毘陵白 銘

由來黑浸出鷄山地脉遙分此一灣聞說桃花三月浪每騰龍子九紋斑祈年父老豚蹄集落日汀洲鷺鷥閒欸乃數聲蘆葦外釣絲長掛月明還

前題

貢生李圖南

盤河北去遶清流窈窕尋溪景倍幽遠岸晴沙連馬頰空潭明月映龍湫春風浪煖吹香沫夏雨波翻動鐵牛新漲浮天堪極目一聲漁唱度滄洲

德平縣志

卷之四

四十六

鯀堤芳草

周 廣

望斷王孫淚已收空餘芳草自清幽平城若不歸神器郊廟安能饗白頭飛絮亂紅傷往事雕鞍碧輦醉春遊欲窮千古興亡恨惟有堤邊剩水流

前題

知縣戴王縉

千年景物總成非爛盡雲根草尚肥雨濕女蘿山鬼嘯風飄大野羽魂歸濃連宿霧迷樵徑翠浥晴光上客衣玉帛塗山明德遠只今憑弔一歔歔

前題

毘陵白 銘

一路青青送客鞭  
堤名還似帝堯年  
土花疑化黃熊血  
隴樹遙分白屋烟  
自古榮枯同腐草  
幾人俎豆配皇天  
只今憑吊懷明德  
遊子行吟思黯然

龍泉漱玉  
訓導年富

寒磬磷磷長古苔  
神龍地底湧泉來  
泓澄已曆千家汲  
好化甘霖遍九垓

前題

知縣戴王縉

映徹丹砂玉一泓  
細翻寒碧雪花清  
雲封欄檻銀床靜  
月抱梧桐石磬明  
五色夜涵星斗影  
千門晨

德平縣志

卷之四

四十七

啟轆轤聲三年慚愧龍泉水  
照我應憐華髮生

前題

毘陵白銘

挈壺何處覓寒漿  
共說龍泉古寺旁  
月上高梧明玉檻  
霜凝素縷凍銀床  
一泓自見丹砂影  
三漱猶聞紫沫香  
自是人間功德水  
喜同廉吏幾回嘗

糜鎮古塔

周廣

峯嶽浮屠礙紫霞  
餘光閃爍動金鴉  
玉峯倒浸寒溪淨  
鐵柱高懸碧落斜  
塵跡尚畱麋鹿鎮  
劫灰已冷楚王家  
遙思昔日檀那盛  
鍾磬冷冷諷祝華

前題

知縣戴王縉

問俗屏騶出野坳因來阿育聽鳴鈴身隨野馬臨  
空濶皆決高鴻入杳冥倒影遙翻滄海晴雲橫  
截魯山青誰知薄宦踈狂意指點風幡叩巨靈

前題

白銘

蒼茫遙見白毫光振袂盤回出上方舍利依稀呈  
寶相白雲縹緲繫斜陽南飛鴻雁風聲急北望金  
莖露氣涼遮莫觀空遊物外不知極樂是何鄉

重平烟柳

周廣

德平縣志

卷之四

四十八

荒城惟有樹叢叢遠近烟光翠欲融結屈盤根皆  
化石槎牙老幹盡凌空數椽矮屋秋陰裏一樹輕  
綃暮靄中絕勝春風粧點處嫣然楓錦映天紅

前題

知縣戴王縉

彭澤依稀綠柳勻拖雲挾霧遶重闈鶯聲百轉銀  
箏細燕剪雙裁螺黛新寒食幾經烟雨節夕陽常  
憶宦遊人當年張緒風流在落盡和前殿塵

前題

毘陵白銘

隋家風物幾年栽霧障重平晝不開荒徑衡門懷

靖節玉鞭寶馬近章臺何人翠閣凝粧坐有客紅  
亭送別回旅舍不堪寒食近雨絲風絮拂牕來

前題

貢生李圖南

春風細細嬈遊絲綠柳垂垂拂酒旗芳徑尋春  
玉勒孤亭送客縮離思應憐黛色愁初斂爲聽鶯  
聲坐每遲彷彿當年陶靖節風流高邈是吾師

登光嶽樓四首

鄭材

乾坤萬里敞中原樓閣弘開壯翰藩滄海遠含圖  
畫裏泰山高並斗星垣浮雲細細環朱拱 氣蒼

德平縣志

卷之四

四十九

蒼映曙墩景物風光無限好太平春事一凭軒

其二

樓臺形勝俯全齊下界蒼茫逐望迷日出扶桑寒  
靄斷天連睥睨暮雲低東來溟渤衝蓬島北去鄉  
關靜鼓鼙傲吏登臨多漫興相如詞賦欲將題

其三

層軒高棟侈危樓暇日題詩到上頭幾處漁樵歌  
出暮無邊鶯燕坐兼幽山川晝敞乾坤在風雨寒  
生日月浮楚客傷心思浩渺不堪漂泊暗吳鉤

其四

風塵忽忽傍人勞長嘯登臨見我曹  
匣裏青萍光自合郢中白雪調誰高  
河陽花發民風舊彭澤尊携吏興豪  
招隱有懷聊徙倚孤雲獨鶴解天弢

宴光嶽樓詩

鄭材

不佞縛於纓綬爲勞踈於田園益甚  
雖飛觴醉月無忘此懷而稅駕抽簪  
未有所往河清可待人壽幾何天地  
之間一籛廬四海之內皆兄弟何不  
携知己以遨遊酌芳尊而宴樂乎豈  
期朝

市山林之客相與忘形東西南北之人遂爾接  
蹟陸滕與顧三靜者旣超然物表之高蹤孔杜  
王楊四使君復燁焉菽林之雅望厠余一介亦  
曰八仙于時闌暑沈瓜林鍾應律登高作賦指  
海岱以披襟仲膝班荆飲河朔而盡興摘紫房  
于樹杪兮挂頰鯉于池隍製芰荷以爲衣兮襲  
芙蓉以爲服四難二美不謂備乎暢飲高歌可  
以興矣  
平原今有酒懷抱亦如何賓主東南美樓臺睥

多茂林消溽暑明月落高歌愛此山川意相畱沒  
絳河

又

開讌聯佳客登樓俯遠波興緣河朔飲詩付雪兒  
歌海宇皆兄弟衣裳足芰荷醉來吾亦舞此意竟  
堪多

又 重宴

時竟夕澄霽餘情滌塵垢涼颼忽然來鬱隆復何  
有爰登謝眺樓載泛袁紹酒池隍細鱗挂灌樹繁

德平縣志

卷之四

五十一

陰茂遠視暝色斂近矚蒼烟厚透迤浮雲散窈窕  
織月走擾擾仕宦子悠悠山林叟並坐相招要飛  
觴亂林藪言笑吐芬芳意氣貫牛斗重游非流連  
嘉樂此良友

遊月牙池

知縣季 靜

湛湛一泓水猶同新月看一鈎渾似魄半璧未爲  
團波逐昆明沫光凝太液寒停驂羈宦况回首憶  
長安

迎春日雪

知縣蘓翹楚

化工有意點春容故剪銀花映紫紅濕透芒鞋迎  
暖氣凍凝牛角解和風飛來柳絮今何早散落梅  
英似不同應是豐年先報瑞兒童歌舞彩雲中

題葛少宰山房

濟南李攀龍

少宰山房北海隈于林窈窕白雲開倚牕河勢鉤  
盤出拂檻秋陰碣石來魯國諸生紛授易漢庭多  
士滿題才臨流重憶乘槎客濯足還登萬里臺

題葛中翰別墅二首

知縣鄭材

君不見杜陵老浣花溪裏流風好又不見柴桑翁

悠然盤桓松菊中一丘一壑有餘美萬事萬物徒  
爲爾枕流漱石襟期清美月吟風懷抱喜此意千  
年誰與同此景千年誰得似聞道逍遙大雅壇今  
之平昌葛天氏葛公別業寄城隈葛公高齋傍溪  
開人世諠囂都不染疑從方壺接蓬萊白雲漠漠  
環樓閣青草芘芘拂釣臺寶劍瑤琴相輝映左圖  
右史日徘徊况復桃李茂結陰况復松桂茂成林  
梧桐月落幽人夢風雨寒生楚客襟幽人楚客偏  
憐此青門白社自招尋太公磻溪地謝安東山岑

卷舒初無意行藏亦何心悽遲斗酒且爲樂匡坐  
還能梁甫吟

主人自是柴桑老寤寐但知丘壑好朝辭薇館暮  
山翁無日不在烟霞中間不識金馬美鳳池染  
翰聊爾爾挂冠東上學逢萌著書西來逢尹喜徐  
徐于于得誰似古有無懷葛天氏誅茆結屋傍城  
隈水北原南一徑開迤邐清流引盤高籠葱佳氣  
接蓬萊下俯深沼上臨高臺川雲摩盪魚鳥徘徊  
恍疑蘭亭之曲山之陰飛羽觴兮坐深林傾千日

之美酒滌浮生之煩襟有客有客兮結伴而相尋  
拂塵當風簷天花落雲岑舉深杯兮酌明月撫無  
弦兮彈素心曲終歸去不知處倚歌和作山居吟

題葛氏草堂

知縣崔士棨

君不見香山老畫圖傳寫人間好又不見稚川翁  
抱朴遨遊宇宙中丈夫氣俱成美形迹何勞分  
我爾世上滔滔直等閑中灑灑無悲喜古人不  
見今人形今人何必古人似今今古古任飛蓬懶  
向塵環畱姓氏小結行窩傍水隈白雲覆戶不常

開入公駕風來相訪却笑無名混草萊  
瀑直曾趨鳩鵲觀操觚常侍鳳凰臺  
紫薇花遠絲綸地日與猿鶴相徘徊  
清圍城白晝陰道人促膝坐芳林  
黃梁夢破邯鄲道綠蟻酣開間苑襟  
醉後翻嫌塵世窄清風白月共追尋  
北望滄溟水南瞻泰岱岑  
縮成川上會得本來心  
鄴中狂客偶到此走聊爲汗漫吟

前題

我從東海來忽逢漢陰老抱甕灌園畦  
機忘意自

好問之知爲葛仙翁向直青藜秘殿  
中年來心憶鱸美休沐暫歸聊復爾  
筆底詩成神鬼愁座中客滿兒童喜  
葛天元是古之民淳龐不下無懷氏  
別業平臨盤水曲檻斜扉次第開  
喚却東方滯金馬慕將張仲守蒿萊  
清觴飛月長嘯凌風啼歌互答雲在  
意徘徊無論時兮寒暑日有晴陰當  
良朋之萃止輒把臂而入林雨來時  
岸暮霞明處披襟念去晷之良足惜  
知來歡之猶可尋逸情孤嶼遠興飛  
岑言酬節序玄賞會心期相

羊以百襪終抱膝而長吟

題葛尚寶宅棣樹產芝

知縣王霖

一夜祥風上棣華忽驚瑞彩映丹霞金根巧作虬  
龍隱瓊羽飛涵烟霧遮漠漠商山擬遠算亭亭謝  
樹看浮槎功成九轉人誰在莫道芝房歌漫誇  
那將涵德殿前種移向名門樹底滋紫綠一宵千  
萬狀風雲三秀輝光隨瑞添常棣翩韃影色映重  
蓮蕩漾奇獨羨靈芽出勝地幽香肯與世人知

前題

海豐楊巍

德平縣志

卷之四

五十五

高門世祿杳難期秋日氤氳淑氣滋堂上忽生三  
秀草朝中應覩萬年枝已知海岱名雙起會見鳳  
麟聚一時衰老久將楮石棄猶能扶病寫新詩

前題

臨邑邢侗

眷此商山種鍾英少保堂拊棠交 茁幹燦葩  
房曄曄金光盛團團露氣灑青雲羊人夢玄液許  
先嘗不羨銅池麗重徵寶砌芳九莖爭咄異三秀  
允稱祥慶積滋宗裔文雄兆袞鄉蹇余葭倚切來  
共奉華觴

光嶽樓

次前令鄭遂城爲

邑令沈志達

沛生

鴻濛灑氣滿晴原野濶雲流天設藩高國遙思彭  
蠡澤文峯高拂少微垣參差粉堞環春黛縹緲朱  
甍映曙暎東作正殷民力出從容退食一凭軒

其二

危樓峩嶻入雲齊萬點烟村柳外迷爽氣朝分風  
度遠輕寒晚送雨來低飛觴樂事追河朔多壘憂  
思聽鼓鼙石上丹文成漫沒遂城去後許誰題

其三

德平縣志

卷之四

五十六

風流曾記庾公樓長嘯登臨最上頭瑟奏清商堪  
眺遠庭閒吏事謾尋幽千村社樹餘丹染永夕賔  
僚大白浮會見盤歌樂歲珊瑚不惜碎雙鉤

其四

經營昔日念民勞謝朓驚人屬我曹海岱孤峯誰  
得似元龍百尺未爲高雲橫薊北思偏遠雪霽江  
南興寄豪農隙不妨脩戰備一時校獵盡弓弣

光嶽樓

毘陵

周復揚

魚服

百尺憑凌迥開窓縱目遊孤雲天際沒灌柳日邊

稠鴟叫穿豎札龍騰逐迅流使君多暇日長嘯一登

樓 是 騎里

其二

瀟灑神仙吏曾含鷄舌香俗淳空佩劍訟息朽桁  
楊小圃蔬初綠平原麥已黃家家事羔酒欲獻使

君觴

光嶽樓

娥江 婁星聞 章伯

崒嶽重闌上文峯海嶽孤氣完旋造化眼界豁吾  
徒碧落高何極遙青淡欲無都忘紅日暮東海有

德平縣志

卷之四

五十七

驪珠

其二

花縣來仙吏長卿適倦遊祇因樓鳳處不覺爲魚  
留逐電雙鷗落凌虛匹練流如何傳好事只說庾

公樓

月牙池

沈志達 沛生

古甃磷磷引水渠可知肖得月生初一痕纖影經  
年吐寸許寒光半畝餘天上銀盤長易缺池邊新  
魄看常虛水晶宮闕疑非遠五月輕寒透薄裙

葛端肅公祠

鑑水  
婁星聞

先賢祠廟向城隈不改青陰有古槐  
長揖三生省客夢空餘片石老莓苔  
衣冠儼若隨丹陛劔佩應知到夜臺  
林下清風披拂遠宜疎新剪舊蒿萊

魁臺夕照

邑令  
沈志達 沛生

西風黃葉亂歸鴉大野荒荒日欲斜  
肯爲有心憐赤子不教無術化丹砂  
休論鼻祖生民遠祇念孤臣去國賒  
短篴數聲驅犢返臺前吹落盡梅花

盤城秋月

德平縣志

卷之四

五十八

不應秋月照盤城月照盤城倍有情  
一樣虛盈隨物換無端興廢感愁生  
戴星出入慙余拙乘月忘歸愛爾清  
莫謾登樓追嘯詠荒村聽柝影參橫

基山晴雪

舞罷輕盈青女腰瓊花萬樹凍難消  
晴光曾不厭培塿詩思何當在灞橋  
姑射冰肌差彷彿青城布褐可招邀  
祇今挾纈懷恩日淮蔡功成應未遙

黑水神灣

秃尾多年蟄此中一灣黑浸便龍宮  
脈分東溟千

門潤 通侯五等崇香沫吹成皆紫霧甘霖灑  
徧半腥風最宜雨後邨莊景潑墨烟雲盡化工

堤芳草

青青長是舊時堤惆悵王孫客路迷玉帛何知光  
俎豆馬蹄不惜碎香泥無情芳草連天碧遺恨黃  
熊落日低禹廟秋風同寄慨一村殘夢五更雞

龍泉漱玉

靈池一脈應龍潛鳴玉淙淙波眼添紫沫菊來瓊  
液冷尚方賜出蔗漿甜占泉已是同醞醪漱味何

當遜谷簾勿幕恩波權汲取行人莫謾問 廉

糜鎮古墟

西郊驅馬入秋澄萬木蕭疎塔見層北面長安儼  
拄笏孤撐碧落倒書藤殘碑未蝕前朝碣清梵猶  
傳古 燈搔首名韉渾逐鹿合尖功德許誰能

重平烟柳

垂垂楊柳舞腰輕長得烟籠壓故城翠黛偏宜殘  
月曉淡痕常伴夜鐘清三眠帶雨經綃織一縷隨  
風豁眼明何處似聞吟吼急九龍歸去變松聲

壽平昌沈侯沛生老父母文

兩浙總督部院古棣李之芳

今天子御極十有七年孟夏月念二之辰值

平昌侯沈老父母懸弧令旦余不佞承乏兩浙不獲從二三父老躋堂稱觥致君子萬年之祝遠衷怒甚會平之官師紳士郵緘北來屬余爲酌者之詞余世居無棣去平未百里聯桑梓而接河潤我侯政教所施風聲所屆咸躬被而心悉之曷敢以不文辭爰爲質言以應按侯之治平也於茲而三歷其載矣平人之致祝於侯也於茲而三進其觴矣恩勤益茂沐浴益深神君慈母之頌所以益切也夫

朝廷建官分職惟守令與民最親而令尤親於守漢唐以來首崇茲選黃龍天寶間有增秩賜金侯封關內入爲宰輔出典諸州者蓋甚重也我

皇上加惠元元移部臣親民社暫借侯以百里平邑所以得邀陽春雙鳧也夫治卽百里豈易言哉今日者司牧之艱難甚於大吏下邑之繁重等於名

壽沈老堂臺

邑丞周廷

何來 色滿花城揆覽芳辰紫氣生書下青鸞  
篆秘美調黑髻小鮮烹雲璈羽曲 奏 鳳

芝函次第迎謾說丹砂勾漏有盤城此夕見長庚

壽沈平昌

丙辰初夏  
下浣二日

婁星聞

惺園

君不見函谷令逢老子道德親傳五千字又不見  
勾漏令神仙秘瀟灑 廊廟志我耆前輩有濂

溪初試郴年三十二今見盤陽沈使君來何莫兮  
循良吏使君循吏新握符未圓兩月弘規模勸耕

德平縣志

卷之四

六十

校士無暇日獄市弗擾租不逋冰簾繡出春風影  
盤殮纔罷筍櫻厨卻報庭萸七莢飛皇覽揆兮  
彙蘇憶昔覽揆當甲戌干支正值還今夕如此造  
化真天工生申生甫胥陳迹滿堂簫鼓喧若雷兒  
童繞膝老加額婆娑酣舞飲中仙海外三山恍不  
隔三山縹緲金 高 燭度雲璈桑麻雞犬  
如 域不數河 與 桃李春風顏色改使君  
節無改操汗青他日書難盡但願年年歲歲  
濡霜毫

前題

李標 斐若

長爲歷下客  
屐齒叩花城  
入幕青鸞舞  
當堦白鹿迎  
何因訪洛社  
此地卽蓬瀛  
一片仙韶徹  
無勞獻李生

壽沛生家季

正詹沈荃 繹堂

瑞靄重簾外  
笙歌晝未闌  
屏開迴白鶴  
席上舞青鸞  
浥露金芝秀  
凌雲玉樹寒  
冰桃謾留核  
方朔已偷殘

壽沛生沈父母

戶部主政朱長泰

德平縣志

卷之四

六十一

此日呈佳氣  
稱觥上早衙  
吏庭多碧鹿  
仙袖直丹砂  
醉有一杯酒  
香餘百里花  
好將野老意  
壽豈樂無涯

壽沈父母 瑞鶴仙

鹽山知縣劉印德

薰風轉南浦  
正麥黃隴上  
文杏方熟使  
君值初度  
喜四野青葱  
榮生嘉穀恩  
沾蔀屋幸再  
見南陽杜母  
盡平人滿地  
謳吟佇望金  
甌立卜欣祝  
桂香繞膝蘭  
契談心酒盈  
千斛夜良秉  
燭歌韻遠飛  
醪喚伶人且  
自停聲按拍  
莫度從前舊  
曲催民間

壤擊新詞一清絲竹

壽沈老父母

舉人齊廓圖

振古長庚號玉蟾南薰千室此重占桑麻原異河  
陽種萸莢應徵海屋添化 飛甘露蔀屋德風偃  
草拂冰簾流霞堂上吹笙侶青雀蓬壺樂未厭

恭祝沈老父師

廩生葛如桂

盤陽景色較來新綠滿平疇花滿茵丹鼎烟青桑  
柘潤彩鸞影度鳳城春每懷宓子真仙吏曾識休  
文是後身試看門墻高幾許清波共飲玉壺醇

德平縣志

卷之四

六十一

前題

生員葛 綵

南山霽色曉氤氳北海樽開落紫雲丹竈欲尋勾  
漏令幔亭先謁武彝君齋頭碧草春前滿座上瑤  
琴月下聞見說政成多暇日風流仙吏更誰羣

前題

生員孫 章

童子承恩日老人三見丁未窺函谷秘曾授太玄  
經滄海容鵬息丹厓鍊鶴形願將百世澤長是記  
庭萸

沈侯壽日公祝四言二十章

詳免河庫

闔邑紳袍貢監衿耆里民

財賦維艱民力孔竭豈其出泉不窒旁穴呼籲再  
三竟得改轍澤被千年丹臺名列

祈求雨澤

菽麥在野久傷旱乾齋沐省躬食不加餐天心昭  
格萬姓咸歡清塵灑道名列仙官

周恤孤貧

施仁必先維此犖獨惠不實沾誰司芻牧體有完  
衣粟堪果腹何以祝侯願介景福

德平縣志

卷之四

六十二

作養學校

澹臺邈矣誰嗣厥音平昌多士品藻冰心梁公藥  
籠邴詵桂林獻圖絳帳擁簪花陰

善事各憲

上交不諂周旋中規謙卑自牧春容委蛇爲民請  
命鐫入心碑豈惟冰檠蒼松兔絲

優待屬僚

不忘下交禮接僚屬端正爾躬無徇阿曲糾過務  
寬諭必忠告頌滿公堂岡陵朝旭

清理獄囚

狂狴沉寃抑鬱誰語自侯下車一空囹圄輕不樊  
籠重不磔鼠我之再生願言壽汝

嚴戢衙役

慎于使令密于防奸舞文必誅一錢莫寬片言難  
入膽落心寒長生胥慶非意孰干

興復社學

教或既衰凡民鮮學廢墜孔修壑茨丹雘父母惟  
侯良師是託笙鶴弦歌間舉並作

建蓋營房

貔貅虎豹雜逖龍泉豈其露處執銳披堅鳩工庀  
事爰以安禪慈悲陰隲丹藥駐年

修飭祠廟

廟古祠荒不葺則圯輪奐肇修如霞散綺落成紀  
年春王丁巳正直聰明應增甲子

肅清門禁

庭閒衙放似水門清旣嚴鑰鑰更絕逢迎三異踵  
武四知獨盟調琴舞鶴恍在蓬瀛

軫恤徭役

役既孔繁民力安繼寧減一分俾完官稅里無  
科奸絕私弊德並桐鄉宜克永世

不擾行戶

凡民未作爭此錐刀一絲一粒孰非脂膏現價平  
估不取分毫行商坐賈齊祝崧高

息逐詞訟

民之無情誣輕作重息以止爭刑設不用化日舒  
長深耕穡種簾靜觴開聳歌無訟

力行保甲

詰奸禦暴碩畫良圖民皆安堵吏不夜呼浚壕培  
壘宏整舊模躋堂稱獻何妨百壺

撫字催科

軍需兵餉羽檄如麻勸輸飭課不事鞭 歡呼  
躍擔負牛車一瓣千齡烟火萬家

摘發奸匪

奸人敗類夜行晝伏飲恨宿冤如盆則覆惟侯神  
明昭雪首服既養太和應招玄鹿

剔除陋例

粒粒辛苦胥惜一毛誰為作  
備日成教獠惟侯一怒膽碎老饕願稱野壘爰報投醪

申明六條

煌煌明訓孝友媼睦變起閱墻爰施三木臯比作師環聽聚族羣祝宜男幃開銀鹿

羅振公廣文

七月中  
浣七日

邑令沈志達

纔看靈鵲駕却報度青鸞家學龜山遠臯比泰岱觀琳瑯吞五色圖繪入毫端持獻齊紈素聊為雙

德平縣志

卷之四

六十六

玉盤

比音皮

段羽楊廣文

八月十日  
魚臺人

鳧繹山 勝湖陵壽域開天香纔吐秀庭莢十分催苜蓿亦徒爾雕弧何壯哉金籠須蚤放夜半繞

琴臺

上元八詠

引

沈志達

余洩平之明年歲在丁巳元夜余預卜年豐偶分唐人八句各成一律後果大稔登之邑乘亦考祥之一體也

火樹銀花合琴堂繒綵熒春城鋪蜀錦深巷簇繁

星賞酒金龜解聞歌玉漏停良宵歡達曙未忍  
爲醒

星橋鐵鎖開月色明如雪土鼓賽千門仙韶歌一  
闋占年量歉豐爲吏忘勞拙邈若步天衢香塵成  
隔絕

暗塵隨馬去鞭指信蹄輕土脈逢春發民風逐景  
生六街人影亂千炬月華明良夜休孤負前村正  
可耕

明月逐人來翻爲燈影亂傳呼耳不聞三兩聲相

喚簪珥墜香車珊瑚指款段祇愁曙色生邨識年  
華換

遊妓皆穠李牽帷竟畹蘭曲翻新譜勝酒對故交  
寬低度雲能遏高燒月不寒虹橋如可駕先向廣  
陵看

行歌盡落梅疑逐綵雲度試問梅花絃何如鸚鵡  
賦大哉東海風邈矣橫塘路膏粥祀先蠶盤城謠  
五袴

金吾不禁夜良夜奈如何鼓吏心猶壯盤河月未

磨百枝連曙曉一粒試燈多樂事吾同願還來聽  
踏歌

玉漏莫相催春風頻拂動淵淵金石聲咄咄漁陽  
弄逐隊渾喧衝凌虛直空洞不須追暗塵手把青  
絲鞵

輓朱謙茹年翁

丁巳初秋九日

沈志達

廉吏不可爲退食常食貧廉吏尚可爲報施不及  
身我弔謙茹公栢節共松筠下車亟咨訪蒼然對  
古人自歡猶得承顏色典型竊矜與式羨公棠

德平縣志

卷之四

六十八

蔭濡須塢家學淵源六月息錚錚名姓早含香冥  
冥翱翔遠矰弋詩酒陶然良足娛春華刊盡留秋  
實天文律曆富五車手披河洛施 紗盈虛消息  
參一致五十窮經年力加嗚呼昊 不憖遺歲在  
蛇兮賢人嗟騎鯨直上凌霄漢猶疑牛斗誤仙槎  
如公負荷真龍象青壁丹厓千萬丈坐看繁滋收  
厭飡紀綱內外無鹵莽森森蘭桂倚廬前廉吏報  
施惟影響回首華陽慨以忼使予憑弔烏江上

輓朱謙茹先生

婁星聞

先生甲第會從龍  
頷下珠聯識亢宗  
愛國誰容欺屋漏  
親民願出試雷封  
梧枝賦冷鳴岡鳳  
薤露歌先泣  
候蛩惆悵天南  
追往事花城小峴  
老芙蓉

寄清平令錢雁湄

邑令沈志達

懷君看月上雲間  
數載神交未可攀  
寄語殷勤將遠意  
梅花喜向貝丘還

喜雨

步禱將彌月  
陡爲風雨驚驟  
聳心轉怖狂喜  
夢難成  
展簾湘紋潤  
抽毫夜氣清  
神功須與徧傾注  
及

德平縣志

卷之四

六十九

三更

東光縣邢匡明文學八袞

戊午二月

八十垂緡老曾聞  
困棘津再來堪接武  
此地憶前身  
青鳥御丹篆  
東皇主令辰  
聖朝方夢卜  
未許作閒人

前題

蓬萊瀛海竟如何  
玉樓金闕跨漳河  
長歌酌酒歡繞膝  
燕趙風流占第一  
香山九老髮星星  
鴻飛海外凌紫冥  
洛中勝事堪追述  
今見老人駐安陵  
不

繪耆英繪家慶瑶草瓊枝交輝映淇泉竹筍百尺  
老皓首投綸心無競

前題

婁星聞

年少瀛洲客相如賦困才浩歌新白首靈氣結天  
胎丹桂當堦馥紅桃傍日栽花朝纔罷賞華旦又  
銜杯

德平縣志

卷之四

七十